

小倉山房外集
袁太史稿
隨園瑣記

新式
標點
足本
隨園全集

杜就田署



題隨園駢體文

飛書用枚舉，典冊用相如。子雲實有言，兼者其誰與？文章有儷體，六經開權輿。凡物比奇耦，整散爲密疎。取材各有宜，載道無差殊。揚馬盛西京，班張冠東都。典論推七子，繼美稱庾徐。皆伸七襄手，共握璇璣樞。袁公秀江東，珥筆游蓬壺。是古制誥才，學士同中書。顧以沈宋身，出曳龔黃裾。仕宦忽不樂，買山賦閒居。栽花作友朋，列屋成畫圖。發揮巧匠心，結構隱退廬。萬卷圍一身，才氣橫太虛。位卑乃著作，李翱言有諸。詩文積三篋，億萬光明珠。談笑出五能，霑溉卿大夫。戶牖筆研陳，瓶甕楮墨儲。皇皇四六文，雲霞相卷舒。百家入箴縷，羣史供庖廚。一索貫萬錢，任沈顏謝俱。文律一動搖，宮商即奔趨。詞源一沃蕩，河海咸灌輸。趣昭事益博，慮周藻相敷。手持注水箭，放溜決川渠。思風鼓言泉，造化不得拘。武夫與悍卒，願爲老鐵奴。序傳祖十翼，衣啓根三謨。銘志列俎豆，廟碑肅瓊琚。以意立真宰，以氣爲匡扶。彩繡赴纂組，英華恣含咀。花骨屬天稟，綺靡亦其餘。翡翠戲蘭茗，鴛鴦立芙蕖。纏綿風月懷，曲曲相縈紆。此體有正宗，不收歐陽蘇。何況陳迦陵，碌碌章與吳。我胷無書簞，我腹非冶爐。曾職應付文，同官笑其麤。自慚張伯

松，不識揚雄徒。公文我獨嗜，負弩充前驅。敢學皇甫謐，佛頂強加污。乾隆己丑落燈夕，館後學蔣士銓題。

序

隋園先生古文二十卷，以駢體六卷爲外集，命英序之。英按：散行文尙矣，然體裁必相題而作。常讀韓昌黎黃陸廬碑，柳子厚湘源二妃碑，索索無味，令人不得不思王楊盧駱。蓋題本俶詭，難以質言，而表啓賀謝之類，無甚意義，非徵典不文，非耦語不莊。先生于此體不多作，亦不輕作，存者若干古藻繡紛，大氣旋轉，足冠一朝。英擬學李善注文選，以公之于天下，苦讀書不多，未敢貧相妄測，乃先爲之揭其立言之旨，而箋釋之功，姑俟諸異日。常州受業門人翰林檢討李英拜撰。

小倉山房外集目錄

卷一

表

擬乞假歸婆表

爲尹太保賀平伊里表

爲莊撫軍賀平伊里表

爲黃太保賀平大金川表

代江南紳士謝萬壽恩科表

序

鶯脰湖莊詩序

萬柘坡變干集序

送姚次公刺史之景州序

小倉山房外集

目錄

卷二

序

許南臺悼亡詩序

贈樊生序

尤貢甫出塞詩序

紅豆村人詩序

周石帆學士西使集序

繡餘吟序

送梅循齋總憲歸宛陵序

李紅亭詩集序

岳水軒詩集序

陳古漁詩概序

小倉山房外集 目錄

王郎曲序 爲溫哲山京韻作

卷三

序

尹公七旬生日授文華殿大學士序

孫小玫簪花圖序

尹似村公子詩集序

竹軒小集詩序

送尹太保從兩江入閣序

瞻園小集詩序

俞楚江詩序

瞻園兩公子送行詩序

尹文端公詩集序

熊蕉泉觀察詩集序

祭文

二

代渤海相公祭尹太保文

祭吳桓王廟文

公祭襄勤伯鄂公文

檄吳縣城隍神文

祭盧恭人文

卷四

書

上尹制府書

答王厚齋書

與蔣若生書

與延綏將軍書

與雨林似村兩公子書

上台觀察書

慰蔣用菴侍御失火書

與楊蓉裳兄弟書

卷五

啓

代許方伯爲高太恭人徵詩啓

謝金撫軍薦博學鴻詞啓

檀責旗廝謝岱將軍啓

謝薦擢高郵刺史啓

上尹制府乞病啓

爲黃太保賀經略傅公平大金川啓

謝蘇州太守趙文山啓

賀尹太保側室張氏封一品夫人啓

謝瞻園託大中丞賜牡丹啓

爲雲華君翠袖圖徵詩啓

謝尹太保和詩啓

謝慶侍郎贈灰鼠裘啓

代請熊滌齋先生重赴鹿鳴啓

募修成仁菴疏

卷六

碑

任勇烈公神道碑

御祭卞忠貞公墓紀恩碑

重修于忠肅廟碑

兵部左侍郎凌公神道碑

東閣大學士蔣文恪公神道碑

六營公立兩江總督尹公去思碑

餘杭諸葛武侯廟碑

墓志

莊西麓先生墓表

誥封奉政大夫江南左營遊擊孫公墓誌銘

誥封資政大夫常德府知府張公墓誌銘

小倉山房外集 目錄

四

誥封奉政大夫丹陽縣知縣魏公墓誌銘

汪君楷亭墓誌銘

客吟先生墓誌銘

聰娘墓誌

卷七 補遺

代祝兩江節相渤海公七十壽序

陳涇南修禊詩序

金賢村太守詩序

梅軒先生六十壽序

謝渤海相公元旦賜鹿豕鵝鴨等物及福字啓

爲章太宜人七秩徵詩啓

郡文學呂君墓誌銘

孫徵省亡妻王孀人墓誌銘

徐君禮珍墓誌銘

陳淑蘭女子詩序

劉霞裳詩序

卷八 補遺

禮親王世子詩序

思元主人詩序

陳檢討填詞圖序

宮闈雜詠序

清娛閣合刻詩序

公祝奇麗川中丞五十壽序代

恩賜世襲雲騎尉羅漢門縣丞陳君墓誌銘

重修錢武肅王廟記 代杭州李太守作

贈儒林郎翰林院待詔厚齋項君暨姚安人合葬墓誌銘

贈中議大夫孝廉隱谷孫君暨范太淑人合葬墓表

小倉山房外集卷一

擬乞假歸娶表

臣聞五算徵民，嘉禮首隆，牀合三清，論職詞臣，本
屬閒曹，故知納幣親迎，卿士可以入告，越境反馬，春秋
不譏，曠官況乃宦在婚先，妻因夫貴，釋褐與結褵並賦，
花釵與綈弁齊明，長源成婚，北軍供帳，敏中來婦，金紫
迎風，凡文人未有之榮，皆聖代遭逢之盛，欽惟皇帝陛
下，兩儀今撰，三皇如春，秉龍德而山澤通，吹鳳管而雌
雄應，雖上林鳴鳥，無不帶露雙飛，卽太液游魚，亦各銜
恩逐隊，固已民無怨曠，草盡繁蕪，臣西浙童牙，塞門白
望，十二歲舉茂才，二十歲舉鴻博，樂皆未據，卽來觀國
之光，皇雅未歇，無暇房中之奏，是以十年不字，三族無
虞，藉悲琴平學道之心，懼兒女累風雲之氣，雉朝飛而
有曲，雁宵奠以無聲，茲蒙皇上聖恩，選臣爲翰林，授臣

爲吉士，才非李白，登七寶牀，學愧康成，註三商昏義，
采蘋采藻，方陳太史之詩，一陰一陽，未卜家人之卦，因
五夜之待漏，驚三星之在天，愧六禮之行遲，感九重之
恩早，賜面藥口脂於淡臘，男子受之而不芳，考襲衣襦
翟於周官，蠲生讀之而有羨，蓬山風冷，東觀宵長，簪筆
則金粉飄零，早朝而衣裳顛倒，偶然割肉，無可相遺，卽
賜沐浴，不願居外，青綾被好，孤熏郎署之香，黃紙緘封，
虛貯儒人之號，僊侶疑其命隻，中涓笑作童真，如臣者，
想亦媒氏所平章，相公所調愛者歟，今乃故鄉冰泮，下
達書來，或盼遊子以倚閭，或布几筵而筮日，鄰夸衣錦，
晝可還鄉，兒壓君羹，歸常始母，承筐無實，已歸妹之愆，
期有女懷春，非吉士其誰誘，而況單鳥寡鵲，豈宜濫列
鵷行，介特孤丁，未敢纂修吉禮，伏求皇上，賜臣歸田之
假，成臣合卺之榮，雙鳳闕前，許借飛龍之厯，三神山

輕回弱水之船。取清俸以陪門，五兩不過；率陰臣而拜闕，九十其儀。將見燭撤金蓮，光來天上；袍披蜀縠，香到人間。史筆催妝，銀燭耀寺廬之色；天錢撒帳，女牀聽鶯鳥之鳴。當天下有道之時，我觴子佩，趁父母俱存之日，男唯女命。明年春水生時，屈指微臣來日，步八磚而卽至，不敢迷花歌味，且以趨朝，同聽警枕。

爲尹太保賀伊里盪平表

臣聞王者大一統之義，春秋復九世之仇，古之聖人，握金鏡，秉神機，罔將亭毒入荒，盧牟六合也。然神禹導河，不過積石；秦皇立界，止於臨洮；軒轅轡野之師，高辛觸山之務，成湯三曠之伐，周王饋水之誓，雖智竭囊底，而功止寰中，未有我武惟揚，窮天之界如今日者。欽惟皇帝陛下，一人有慶，五嶽無塵，海水不波，問廣阿無使者，青雲干呂，知中國有聖人，固已絕地通天，瞻雲奉律矣。惟準噶爾夷部，僻處西陲，跳梁沙漠，稽兩朝之文化，煩列聖之天心，梏矢來庭，則許甘松之互市，赤囊報

警，則鳴琅鐸以專征，張弛異宜，德刑兼用，亦以事機有待，夷性難馴故也。今天誘其衷，神厭其德，達爾扎與達瓦齊等，篡弒相仍，風災迭起，撐犂不識，敢倚天驕，朝定無人，自然烏散。車楞吳巴什等，率衆投誠，阿木爾撒納等，領軍踵至，或吹蠶享使，或勢面請兵，或失鉢請除一官，或燒當願當一隊，國中牛馬，盡向南眠，天上旄頭，早看星落，五單于爭立，是匈奴降漢之年，九節度出師，正回紇尊唐之日，我皇上彌覆載之仁，不置遠方於度外，運照臨之智，早悉此虜於目中。於是牙璋先頒，金帛獨斷，贊蔡州之伐，惟裴度一人計；烏桓之兵，屈陳湯五指。從竈上驅除瀚海，取灰盤指畫大山，歸漢封君，敏關者卽加顯擢，袂衣作衛，鳴鏑者俾作先驅。西北分兩道之兵，聲勢動九天之上，如太陽之沃霜雪，所過皆消；譬久旱之得雲霓，歸來恐後。蛇矛未拔，銀鶴先奔，遂窮寇而狐尾頭低，草降書而羊皮紙盡。但整六師而返，不見一虜而還，萬馬禁聲，盡解鞍而蹴鞠，諸夷無事，將買犢以耕耘。開塞門招壤奠之臣，取流沙爲附庸之國，惟聖人

之德大，斯不怒而威，亦王者之功高，故有征無戰，踐龍庭之草，露晨春風，出玉門之關，花開內地，伏念我聖祖遠滅延陀，河西遺種，我世宗窮搜赫勒，黑水留州，凡祖宗累年未竟之貽謀，皆皇上一旦纂成之鴻業。金山擒車鼻，本文皇漏網之魚，渭水謁單于，慰高祖平城之憾，被我純續，戴我金犀，飲朱提者，三千人而未乾，置驛速者，六百而更遠。從此受降城下，新來冠帶之民，都護府中不用防秋之策，禽黎呼毒，望氣來庭，煎鞏黃牴，聞風請吏，拔銅柱以掃地，取金人而祭天，化此輩。孝子順孫，何嫌荒服，呼中國爲懷宸帝所，都恨來遲。臣職任兩江神馳九陣，想北闕凱旋之日，正南風解慍之時，愧滅髮之才，遍數三十六國，譯朱苦之句，敢增千百萬言。一曲饒歌，聽策勳於太史，兩階干羽，願增喜於龍顏。

爲莊撫軍賀平伊犁表

臣聞時不可失，而知幾惟聖人，功有非常，而止戈惟王者。歸邪星出，國有降君，騶虞獸來，邊無烽警，是以

漢臣中西域而立幕府，唐皇取松外而置縣官，猶欲刻玉燕然，鑄金青海，況單極以外，淳維之苗，率土來歸，無思不服，求之遂古，實所希聞。欽惟皇帝陛下，八紘靜塵，十洲澄鏡，久已填廬山於赤縣，擁狼望於黃圖。惟準噶爾部落，遠待流沙，荒驕大漠，屢稽貢子，不供包茅，我聖祖萬乘親征，掃蠹蟪之絕塞，我世宗五兵暫戢，貸鳥鼠之餘魂，如後漢之與南夷，七擒七縱，比延光之於西域，三絕三通，未嘗不以丹水之師，遠期伯禹，崇墟之伐，深望姬昌也。今達爾扎白喇焦梨，達瓦齊形同尸逐，牛羊不壯，知突厥之將亡，魚鼈無橋，識東明之不渡，坐金牀以望太歲，星拱中華，祀振乾而問大神，巫誇漢盛，是以車楞烏巴什與阿睦爾撒納等，或舞天先至，或嗅地旋來，當是時也，五幃遺孽，只用箠台，九塞旋風，但需鞭打，倘杜崇拒單于之上表，則安國必捲帳而自驚，班超還疏勒而先歸，則黎弇以遠漢而自到。懷皇仁者，雖歌繁木，議國事者，爭棄珠厓，聖上以爲非常之原，黎民所懼，先幾之務，惟斷乃成。在貞觀之拒康居，雖云量力，而建

爲黃太保賀平大金川表

武之辭西域，終少雄圖。乃射苑竹以卜西羌，推棋枰而決大策。韞盾一戟，龍麗十重，網設周陸，軍歌鐵拔以薰。項爲前導，故知吐谷之風沙，假北隲爲疑兵，遂抵焉耆之巢穴。周道如砥，漢將皆飛，反首芟舍而奔者，厲行如風，繩行沙度而來者，視道若咫。收黑山四百三之部落，耀朔方十八萬之旌旗，雪嶺橫天，上下搜而全無，厲跡賢王伏地，左右視而都是陪臣。築三受降城，置五屬國，府使漢家，長無北念，信中國果有聖人。數武庫之兵，未遺一矢，計鬼方之克，何有三年。檄傳古莽而猶驚，碑借崐崙而尚小，凡魚支之錦婆，駝之樂鼉，封三目權扶兩頭，朱蒙爲河伯外孫，老胡號荒蠻父，靡不分願將士，布列郊圻，國王會於明堂，坐舌人於門外，陳牲告廟，慰列祖在天之靈，晉册承歡，加聖母深宮之膳。捷書夜至，羣臣悟怯戰之非，恩旨朝頒，天下以從軍爲樂。臣伐吳定策，既有愧於張華，平秦刊碑，又有慚於韓愈。願譯歸義之章，隄官隄播，更歌奉聖之樂，獨鶴琴驪，庶申雀躍之忱，聊補鐃鼓之闕。

臣聞天地生成，溫肅並行之謂道；皇王敷化，神武不殺之謂功。德至聖，則股肱之効力也；神化極隆，則宇宙之包容者大。欽惟皇帝陛下，秉神機而理百度，握金鏡以御四方，震旦國中，金輪光湧，指南車上，鐵轆痕消，久已四海鶉居，八荒蟬伏，乃逆苗莎羅奔，良爾吉等，夜郎是大，印竹未供，懷駒之漏洩之謀，走墨翫蠶之跡，以爲湯升師野，巢伯可以不朝，禹會汾山，防風且將後至，皇赫斯怒，我武惟揚，街亭撤馬，謾之軍巴，蜀用崇文之將，設金方一道，從枕席行師，聚米殿前，早見九泥之狀，怡籌闔內，預知沃雪之功。蓋王者之兵，原不得已而後用，非常之將，亦秉成訓而始行。則有經略臣傅恆，程行忠，衿義心清，尙雷符星斗，光顏自有旌旗，干櫓戈矛，賀齊別爲文畫，磨劍則臨峒飛雪，彎弓而太白揚眉，金累爲之開山，黔嶺爲之領路，斬皇甫文之頭，先除謀主，超張須陁之棚，多用奇兵，百尺井闕，射公孫樓上千羣。

火雉，投姚襄陣中。周訪之兩甄忽鳴，光弼之三麾至地，山形拔而不假五丁之力，天網密而但求一面之開。正月初六日，逆苗回縛，詣大軍乞降。常是時也，雲捲天衡，

日生倍播，砂能表赤，大書北向之旗，水尚知歸，敢射南飛之雁。在諸將以爲獸將入檻，雖搖尾而法無可寬；在聖人以爲鳥已含環，既懷而情難盡殺。蓋當日之興師也，原非貪其土地人民，而必置之於死，故此日之受降也，實不忍其悔過服罪，而姑宥之以生。於是廷光城下，馬燧披襟，回紇帳中，子儀免胄，姚徒騰至，捧牢賞以趨踰，穢人兒啼，擊蒙排而泣下。侯錢實布，爭貢包茅，渝舞巴歌，長唐檠木，亦屑得不死之詔。南人無復反之心，火鼠窮郊，留將軍畫像，元蹄外境，傳諸布風聲，羣獠聽飲至之文，吹蘆相告，野老讀班師之詔，鼓缶而歌，大凱來旋，策勳告廟。此皆我祖宗在天靈爽，暗靖妖氛，我聖母覆物仁慈，挽回和氣，故能有征無戰，惟斷乃成，念切顯揚，式崇徽號。宣仁家法，安邊塞於宋朝，太姬徽音，贊肅征於周作，輝生寶冊，喜溢彤庭，臣未列銀刀，空名節

度，願供金版，上佐秋官。羌女呵陵，曾隸章臺之籍，夷男始艾，愧無仲鄆之功。遠百辟之班聯，心知舞蹈，獻九天之春酒，花滿江南。

代江南紳士謝萬壽恩科表

蓋聞聖人御世，八荒在壽域之中，王者掄才，三物重寶與之禮。是以姬王受命，燕髦士於岐陽，漢帝祈年，辟孝廉於郡國，莫不丹魚在藻，翠鳳含綏，然而成周辭任方隅，空聞宴鎬，秦元增受冊冊，但說呼嵩，未有際兩聖之昌期，靈晟並耀展九乾之文運，洎作重書，以八千歲爲春秋，將五百年得名世，如今日者也。欽惟皇帝陛下，如日之升，慶六旬於今歲，皇太后陛下，如天之福，開九秩於明年，凡橫目冒彫者，靡不羣歌佛誕，卽嚴居穴處者，久已如登春臺矣。乃皇上聖德謙冲，孝思維則，一切有司，奏行恩賞，爲而不有，統於所尊，禮也。詔庚寅之平，開甲乙之榜，黃封頒下，白首歡呼，惟大孝以天下養親，故慶典悉遵懿旨，惟聖人以人才治國，故賢書首

列恩綸。潤探菁莪，不羨蟠桃之色；廷收杞梓，益增壽木之華。以多士之絃歌，代雲仙之羽奏；以文昌之奎壁，當賈物之承筐。玉載萬隻，以非奢珠；探九淵而愈耀。枝枝丹桂，飄香於王母筵前；戢戢龍魚，跋浪於老人星下。於是黃髮耆艾之士，莫不乘景運以同升；方聞綴學之儒，亦各有喜色而相告。臣等生隸江東，忝居文苑，或影纓擔爵，世受國恩；或解綬懸車，引恬鄉里。捧覽書而感泣，率門子以觀光；視軒鼎之長生，齊呼萬歲。喜周官之大比，不待三年。所有感忭之忱，謹以表謝。

鶯脰湖莊詩集序

夫金石之載不殊，而諷詠之情匪一，故思綺者春榮，響哀者秋厲。日和者鳳嘯，絲寡者鹵悲。引氣不齊，意製相詭，各家之旨，斷可識矣。若夫遊雲無質，五色兼麗，崑竹久淹，八風齊協。微猗羣雅，喉衿六藝，搜仇索耦，能生誰歟？丙辰歲，天子張天網以羅八紘，握金鏡而闢四門。予正康係屨而來都下，遇王梅泚，讀其詩，倜儻然亂

費乎錦繡，影影然履基於機槍，研閱以窮，照含章而司契。楚豔漢侈，殆具體焉。爾乃解巾吳會，領筆燕臺，仲宣履至公卿，爲之擁華；平子歌成，洛下於焉卷舌。且復負雞次以西塘，歌蘭體而晉清，澄神道岸，同志元祺。生死多羊舌之仁，慷慨重侯嬴之義，其所述也如彼，其所蘊也若此。使之吟覽陪軒，鳴蟬映髮，隨隨賈入室，共應劉待詔，張皇發揮。元元本本，胡寧惡焉。乃昔者同登明光之殿，對食大官之餐，蒙以弱冠之問，物色賈生，遂因運牆之謁，逋好列子亡何，黍谷方吹，豐城氣掩，東陽未曙，北溟翼戢，臥龍具以忍寒，握蛇珠而匿耀，感奇律之不采，抱梯黃而莫卜。與鄭康辟者，比牒皆爲宰相，同高允徵者，連名半屬公侯，其能無俾而嘆八驕，呪柱而看三師乎？雖然，珠之藏也不久，不能隳重淵之深，劍之割也易用，不能致蛟龍之惜。故白露之思，兼葭之隱也，俎豆之馨，叢蘭之敗也。今梅泚內學七緯，外過八流，其藏身也，緇入而覽居其治行也，春規而夏矩，入則流黃體素，陳焉出則煙臯雲隔，覽焉宜其因情生文，上符三百

之旨，緣隙奮筆，流爲千載之觀。彼夫車赫馬耀，傳呼甚寵，而寸枝不入鄧林，尺渠不登山經者，何哉？豐喬之遇殊，而大小之報異爾。或者傷國朝諸老，標忽代謝，竹垞南淹阮亭北逝，不如璧不並耀，駿不雙馳，根斷靈苑，秀擢江波，所謂長麗去而宛虹來，耀靈淪而望舒睇，夫固有繼之者也。而況夫大雅之運，豈偶然哉？

萬柘坡樂于集序

夫神之所至，百骸聽焉；志之所寄，萬物避焉。故龔俞審音，不聞暴雷之駭；龔人運斲，不見疾駒之馳。士有握瑾瑜，懷芬芷，絕地理，挾天庭，抗才金碧之上，弭節江湖之下，恢恢元首，務諸雅奏之和，落落淩颯，詎假繁音之會，則吾友萬柘坡其人也。生而譚粹，第作其冠，長多咫聞，溺苦於學，參六家之要旨，窮五際之絕業，遊目竹素，殫心忽微，故能含孕隱徐，凌鏤崔蔡，懸黎不見，池隍燿繼起之寶，皇娥歲淹，夷光矜代出之色，惟古於茲，亘其然矣。然而憶日月之燿忽，追縞紵之伊始，時則迅秋

標爽，嚴鼓應節，石渠廣鴻生之召，郡國有文學之徵。僕與柘坡解巾之郡，削牘受辭，魚集龍門，摩游鱗而認隊，馬來西極，銜長鬣以得朋，所爲傾蓋於梓生，締蘭於謝覽也。已而扶搖同志，修翮互殊，或奮舉於烹禾，或翰飛於粵嶺，赤董未錮，齊踊躍於洪爐，白鹿可尋，仍渺迷於蕉葉。東隅已失，南金不雙，宜乎鮑申跪石而吟，伍員兩祛而走矣。而柘坡方且得不挺心，失不表色，結情禹井，延首舜梧，考元唐隆谷之瑰奇，辨封鉅大墳之原委，忘陽數之標季，扶元音於正宗，空谷霜零，蘭性寧其隕貴，崇邱風靜，椒林於焉露芳，抒懷而猶其音，說學而振其采，詩若干卷，幾幾乎革孫許之風，變太元之氣焉。且夫瓠梁託絃以流韻，痛知音之難也，師曠審鐘爲不調，嘆逃聲之易也。柘坡鄙褊散之五降，美棣通於八風，既煉滓以澄音，亦鵠金而飾貌，考之曩氏，甄曰樂于，震滯牢之辟，招銅山之遠聞，他日鱗鼓南郊，軒宮北敵，發揮韶濩，洪宣陰陽，則夫聲震三川，力逾九象者，其在斯人歟？其在斯人歟？

送姚次公刺史之景州序

景州領定遠之軍，連青齊之甲，走幽冀之道，當德棣之衝。天子以唐代武功，必資姚合，漢廷黃霸，亦號次公。遂降璽書，馳龍節，命公移篆建康，建牙渤海。五馬從大夫之後，一鶴先生並行，所以簡賢俊，重神都也。夫元黃自炫者，玉之奇，匠石必顧者，木之用，故庚桑入楚，風移鼎之鄉，張楷居雍，俗號公超之市。公以何比干之符策，揚於陵之家世，坐有揖客，門無雜賓。朔來朔來，本門子之恩蔭，郎出郎出，爲捕盜之督郵。三任蘭絲，一從征伐，襄城劉令，謂之不煩。宏農桓公，稱爲長者。王修知變，魏武以之自隨。虞詡入城，朝歌因而解散。其吏術也，若彼其武功也，若此。加之居句如矩，在約思純，比姓鴻毛，方義熊掌，有公綽之廉，史魚之直焉。乾隆十六年，天子南巡，公干夫爲吏，七萃從戎，凡申明之木，填奠之事，攝衽抱機之視，候遮扞衛之儀，一切供張，罔不胥歸。遂乃歌傳於鳶，名記王邱，超授非因歲遷，除拜悉從中。

出。蓋六繫十雄之報最，方體薦之風馳，而三公八座之交推，已得州如斗大，將以東阿付黔夫之守，高唐覲樽子之用，豈徒黃金橫帶，遽喜遷官，白鹿夾輪，將期入相而已哉。然而使君活汝，父老哭於碑前，賢者遷官，百姓爭於境上，房君去而味變，井泉之甘，虞公歸而雲藏，海石之彩，未免持靴雪涕，蜚粟連年，認馬司州，占珠台浦，民之情，公之德也，其已能乎？僕同鄉識面，共事知心，元武湖邊，各持手版，小倉峯下，先築瓜廬，行矣，孔璋，飄然賀監，白雲飛而故人遠，朱琴彈而聽者稀，嗟乎，空山猿鶴，本無戀於烟雲，芳草芝蘭，終有情於臭味。送花間之車馬，絕海上之蟠蜺，謝瀟湘此中，祇宜飲酒，茅容以外，誰與交言。所期抗手此時，班荆他日，訊雖雨絕，夢或魂交。君望孤雲，知安石之不出，我瞻紫氣，卜老子之仍來。

許南臺悼亡詩序

同爲聽鼓應官之客，夜起恆多，旁有禁寒惜煖之人，衰年忘老，一朝白髮，忽斷朱絃，女牀之鸞鳥不鳴，牧

憤之朝飛有曲，此我同寅南臺悼亡之所由作也。夫人
孝以內綱四教，外訓六珈，乘几無違，施聲有訓。秦籌舛
絡雅善，平章樂旨，潘詞應如影響，佐夫爲善，寫安公美
政之碑，教子射科，上蘭英中興之頌。叔姬賢著，三諸侯
爭來媵之，薛侯寵多，七孺子爛其盈矣。爾乃報帝休之
草，無夕之噴，坐銀鹿之兒，有緩帶之樂。南臺雖羣雌
之粥粥，偏故劍之依依，神君一言，敬爲書法，白茅三復，
奉若金箴。謂雙棲不死之牀，永臥同功之藹者矣。何
圖疾風吹電，竟占主婦之災，青鳥傳書，遽速上元之駕。
桃父插首，齊俗先驚，白素簪花，吳娘共弔。緇棉性在，纒
三盆手，而蠶尚牽絲，殲殲病成，與九萬錢而難爲力。
兼之客兒佛婢，婚嫁未終，約指環，零星損觸，金箱背
掩，成君之衣，補何時象，笏朝回，方領之繡痕宛在。此在
一往情深者，尚且聞而結轡，何況三生牌台者，能無腸
若消湯也乎？於是天錫小名，自稱獨活，子瑜庶孽，不許
長生。枕衾木以無聊，服牽機而難耐，離當晨日，盆易高
歌，賦哀蟬落葉之章，寫鳳雛驚叱之恨，心非孤雁，照影

驚秋，聲似霜鐘，因風奏曉。是知元穹倚杵，不能蕩此情
波，碧海成桑，未必乾斯墨淚者矣。僕並辭白門，通家江
左，德操命廬妻作黍，不辨主賓，文通爲張稷徵歌，但遮
簾幔，雜佩貽來，想見斯人賢淑，入宮不見，難禁老子婆
娑，夜飛蟬在，贈杜甫以無因，世子書成，向外黃而誰寄
解愁有志，分痛無方，誦金鹿之哀詞，贈玉臺之小序。公
乎自愛，休傷兒女子之情，僕也請前，聊表君夫人之德。

送尹宮保熱河陪宴西戎序

乾隆二十年，天子平伊犁，幸熱河，受昆彌之降，賜
呼韓之宴，詔曰：「江南總督尹繼善，厚重有體，來與斯
會，足壯觀瞻。」公聞命而開，東裝青溪，桓溫北伐，百官
祖道於南州，潘岳西征，同僚賦詩於金谷，禮也。枚伏考
唐太宗，身幸靈州，納降回紇，漢武帝親臨瀚海，獨當單
于，其時塞鄠，碩佐衛霍英賢，莫不司空奉羹，條狼警蹕，
酌留羣而共醉，歌樂木以宣威，良以倚漢如天，有班超
而後功定，望君考歲，見葉公而乃民，和非徒冠冕河山，

亦且彈壓邊釁。我宮保夫子，黃齒誕雲，紫宮執斗，神化丹青，草木知其名姓，亭毒元氣，外夷聞其起居，帝愛文獻，恨不處之禁中。朕召德林，昨日祝其夜短，皇上見戎容暨暨，思黃髮蟠蟠，召洛邑之君陳，徵南郊之義叔，乘三皇斜谷之車，張百神帝臺之樂，皇人受穀，衢室開尊，時則神雀宵鳴，歸邪晝見，窮天俘玉，罄地呼嵩，舌人鳧趨，交問鶴列，凡雋鱣之翠，壽木之華，滑國之金牀，條支之烏髀，木熙拔河之戲，婆陀力華之曲，莫不麟羅布列，雲動雷屯，伊里者，西戎一大部落也，兩戒所未收，八挺所未圍，茲乃騷鬻奔觸，賜談酣嬉，比狼臠之嗅塵，同鱣俞之飛耳，未謁天容，先望星辰之色，已瞻日角，兼看岳瀆之神，見風牧而軒鼎，非遙識，臯夔而堯眉，可想公繡衣垂跼，琛版宜躬，潤之以傳說之甘霖，溫之以趙衰之冬日，示之以周公之狼跋，耀之以尙父之鷹揚，驚狀貌於王商，真爲漢相，聽音聲於景略，無愧唐臣，洵足以顯作長城，隱者敵國。且夫防秋者無全策，綏遠者貴定謀，是以突厥人衆，魏徵諫留河南，西域使來，班勇請加都

護。或治城鳥壘，或置郡朔方，食少則充國屯田，兵安則孔明撤衛，凡事後之金湯，皆先機之籌算。公三商待漏，常候色於宸慈，五日詣臺，每參謀於黼座，正可以定形方之訓，進徙戎之策，安全梟散，慰撫華離，使二庭永空，萬年無事，豈止羹調御手，人慶龍光，酒賜銀鍾，史褒風度而已哉。茲者野廬聚櫟，元戎啓行，萬里秋霜，凝照於九花虬上，三邊勅勒，收聲於一品集中，西寇折心，中國大有人在，東山翹首，衮衣早望公歸。